

72516/7249(2)

CHINESE - JAPANESE LIBRARY  
HARVARD - YENCHING INSTITUTE  
HARVARD UNIVERSITY  
JAN 10 1941

Harvard College Library Imaging Services <http://imaging.harvard.edu>

CM	0	1	2	3	4	5	6	7	8	9	10	11	12	13	14	15	16	17
Lab D502	95/0/2	81/0/0	66/0/0	51/0/1	35/0/0	20/0/0	29/19/54	55/39/33	42/57/29	82/4/79	51/50/13	50/28/29						
	38/14/16	66/16/18	50/5/22	43/14/21	55/9/25	71/32/0	62/34/60	40/9/43	52/48/17	31/21/21	72/23/57	73/19/68						

通鑑全史彙編歷朝傳統錄

卷之二

漢和

長洲

徐燊禧綏祉

鑒閱

吳郡

劉綦履公

纂輯

更名炳晨

程維均方平

較訂

秦紀

秦始皇帝

姓嬴氏名政其先出自黃帝栢翳為舜虞官上下  
草木鳥獸遂賜姓嬴商末有裔孫曰蜚廉蜚廉生  
惡來父子俱以材力事紂五世至造父別居趙城

非子居太丘好馬及畜善養息之周孝王使主馬於汧渭之間馬大蕃息孝王分土為附庸邑之秦使續嬴祀六世至襄公國始大時犬戎殺幽王於驪山下而秦襄拔周有功周東徙維維邑平王賜之岐以西之地與誓封爵之十世至繆公遂霸西戎十六世至孝公用衛鞅策廢井田開阡陌於是天子致伯子惠文君立與韓魏俱稱王伐蜀取之日益富强傳武王昭王孝文王莊襄王國益大乃滅東西周而與秦抗衡者尚有六國齊楚燕趙韓魏

也初莊襄王為世子時為質於趙用陽翟大賈呂不韋策得歸為嗣不韋有娠姬進之莊襄期年而生政莊襄立三年薨太子政生十三年矣遂冒嬴氏襲國封不韋為文信侯嬴氏之秦已絕元年乙卯恃累世之強用兵無虛日十七年滅韓虜韓王安以其地為潁川郡十九年遣王翦擊趙軍大破之遂克邯鄲虜趙王遷二十二年遣王賁伐魏魏王假降殺之遂滅魏二十四年王翦虜楚王負芻以其地置楚郡遂定江南降百越二十五年王賁

傳錄  
攻遼東虜燕王喜二十六年襲齊王建建降遂滅  
齊初併天下自以爲德兼三皇功過五帝乃更號  
爲皇帝命爲制令爲詔除諡法後世以計數欲自  
始皇帝以至萬世傳之無窮定爲水德以十月爲  
歲首色尚黑數以六爲紀可李斯議廢封建之制  
分天下爲三十六郡郡置守尉監收天下兵銷爲  
金人十二徙天下豪傑於咸陽十二萬戶封泰山  
發童男女數千人入海求神仙築長城以備胡燒  
詩書坑儒生建阿房宮役隱宮徒刑者七十餘萬

人長子扶蘇諫始皇怒使北監蒙恬軍於上郡三  
十七年始皇東巡少子胡亥丞相李斯從七月崩  
於沙丘秘不發喪棺載輜涼車中所至上食奏事  
如故獨胡亥與宦者趙高五六人知之乃與丞相  
斯謀矯詔立胡亥爲太子更爲書賜扶蘇及蒙恬  
死胡亥至咸陽發喪卽位是爲二世皇帝

秦二世皇帝

元年壬辰趙高用事說以嚴法刻刑二世然之大  
臣諸公子有罪輒下高僂死高指鹿爲馬莫敢斥

其非。復作阿房宮。盡徵材士五萬屯衛咸陽。皆令自齋糧食。會陳勝吳廣起兵。諸郡縣苦秦苛法者。爭殺長吏以應之。謂者從東方來。以反者聞。二世怒。下之吏。後使至上。問之曰。羣盜鼠竊狗偷。郡守尉方捕逐。不足憂也。上悅。沛人劉邦起兵於沛。下相人項梁起兵於吳。奉楚懷王約束。各引兵西擊秦。六國亦爭自立。時丞相斯畏罪。阿二世意。勸行督責之術。刑者相半於道。而死人日積於市。秦民益駭懼。思亂。關東皆畔。丞相既誅。趙高恐二世覺之。乃謝病不朝。陰與其婿咸陽令閻樂將兵入望夷宮。數二世罪。二世自殺。在位三年。高立二世兄子子嬰爲王。

秦王子嬰

二世死。趙高悉召諸大臣公子。告以狀。曰。秦故王國。始皇君天下。故稱帝。今六國復自立。秦地益小。宜去帝號。爲王如故。乃立子嬰爲秦王。以黔首禮葬二世。杜南宜春苑中。趙高令子嬰齋。當廟見。受玉璽。子嬰謀曰。丞相殺二世。佯以義立我。我稱病。

傳錄  
不行。丞相必自來。來則殺之。高果自往。子嬰刺殺  
高於齋宮。三族高以徇。子嬰立四十六日。沛公劉  
邦引兵繞嶢關。踰蕢山。擊秦軍。大破之。軍至霸上。  
子嬰素車白馬。繫頸以組。封皇帝璽符節。降軹道  
旁。沛公以屬吏居數日。項羽引兵西屠咸陽。殺秦  
降王子嬰。燒秦宮室。火三月不滅。收其貨寶婦女  
而東。秦民大失望。

秦亡

秦自始皇併六國後。庚辰起。至子嬰甲午止。凡

三主。共一十五年。

附秦末諸國

楚

陳勝。字涉。陽城人。二世發閭左。適戍漁陽。涉與陽  
夏人吳廣。次行爲屯長。會天大雨。失期當斬。乃詐  
稱公子扶蘇。及故楚將項燕。殺將尉。召其徒屬。舉  
兵。稱大楚。爲壇而盟。陳勝自立爲將軍。徇斬以東。  
入據陳。陳父老欲王之。張耳。陳餘。諫不聽。自立爲  
王。號爲張楚。諸郡縣苦秦吏者。皆刑其長吏。以應。

傳錄  
當此時。楚兵數千人。聚者不可勝數。秦兵尚強。爲秦將章邯等多所擊破。陳王之汝陰。還至下城父。其御莊賈殺以降秦。自二世元年秋起兵。至二年敗亡。而秦之海內騷然矣。其所置遣侯王將相。竟共起而亡秦。由勝之先發大難也。謚爲隱王。迨漢高時。爲勝置守冢三十家。

下相人項梁。故楚將項燕之子也。與兄子籍避仇吳中。籍字羽。力能扛鼎。曰。學書足以記名姓而已。劍一人敵。不足學。學萬人敵。二世元年。陳勝等起

大澤中。乃相與殺會稽守。得精兵八千人。渡江而西。及過淮。黥布蒲將軍亦以兵屬。凡六七萬人。軍下邳。會陳勝死。秦嘉立。故楚族景駒爲楚王。梁破滅景駒。并秦嘉軍。與秦將章邯戰。沛公劉邦亦起兵往焉。居鄴人范增說梁曰。秦滅六國。楚最無罪。懷王入秦不返。楚人憐之。至今陳勝舉事。不立楚後而自立。其敗固當。今君起江東。楚盜起之將爭附君者。以君世世爲楚將。爲能復立楚後也。梁狀其言。乃求楚懷王孫心於民間。爲人牧羊。立以爲

傳錄  
楚懷王都盱眙。梁自號武信君。屢破秦軍。梁有驕色。宋義策其必敗。弗聽。二世悉起兵。益章邯。擊楚軍。梁大敗。定陶死。懷王恐。徙都彭城。秦擊趙。懷王召宋義爲上將軍。項羽爲次將。救趙。鉅鹿。留四十。六日不進。項羽卽上將軍帳中。斬宋義頭。出令軍中。諸將皆懼伏。引兵渡河。沉船破釜。持三日糧。以示士卒必死。於是與秦軍九戰。大破之。楚兵冠諸侯。諸侯將入轅門。無不膝行而前。莫敢仰視。是時秦兵屢敗。趙高居中用事。大將章邯懼誅。乃與羽

約和。羽既定河北。欲西入關。秦降卒多怨言。乃夜阬秦卒二十餘萬人。而沛公已先破咸陽矣。初懷王與諸將約。先入定關中者王之。羽願與沛公俱西。懷王不許。而遣沛公。羽挾趙後。略地至函谷關。有兵守不得入。羽大怒。攻破之。項伯知其謀。力左右。沛公僅以身免。居數日。羽屠燒咸陽。使人致命懷王。懷王曰。如約。羽曰。懷王我家所立。何以得專主約。乃陽尊爲義帝。分王諸將相。而自立爲西楚霸王。立沛公爲漢王。漢王之國。引兵還定三秦。羽



陰使九江王布擊殺義帝於江中。漢王爲義帝發喪。三軍皆縞素。告天下。願從諸侯王擊楚之殺義帝者。楚漢相持五年。漢兵屢挫衄。約中分天下。界鴻溝爲東西。且解兵。張良陳平說漢王曰。此天亡楚之時也。急擊勿失。乃追項羽於固陵。時韓信彭越擁兵不赴。張良請以梁楚地捐兩人。於是皆會垓下。漢軍圍楚數重。羽潰圍至烏江。止有二十八騎。謂其騎曰。吾起兵八歲。身七十餘戰。未嘗敗北。今卒困於此。此天意。非戰之罪也。復奮勇擊殺。漢

將士數十百人。自刎而死。懷王初封羽爲魯公。及死。魯最後下。漢王以魯公禮葬之。爲發哀而去。

趙

張耳。大梁人。與同里陳餘友善。兩人相與爲刎頸交。秦皇聞其名。購求之甚急。耳餘變姓名。爲里監門。陳涉起。斬往從之。勸涉立六國後。益樹黨。涉不聽。願請奇兵北略趙地。乃以涉故所善陳人武臣爲將軍。張耳陳餘爲左右校尉。行收兵得數萬人。蒯通說范陽令降。趙地聞之。不戰皆下。於是武臣

自立爲趙王。陳餘爲大將軍，張耳爲右丞相。未幾，武臣爲其將李良所殺。趙人多爲張耳、陳餘耳目者，以故得脫出收兵。張耳乃求得趙歇，立爲趙王。居信都，爲秦將章邯兵所迫，走入鉅鹿城。陳餘軍鉅鹿北，張耳數使人召之，自度兵少，不敢前。張耳以陳餘不挾，怨之。陳餘亦怒，脫解印綬推張耳，獨與麾下數百人，之河上澤中漁獵。由是二人遂有却。漢元年，項羽立諸侯王，乃分趙立張耳爲常山王，治信都；信都更名襄國，以南皮旁三縣封陳餘。

而徙趙王歇，王代陳餘。因悉三縣兵攻張耳，復收趙地。迎趙王歇於代，復王趙。張耳念諸侯無可屬者，往謁漢王。漢王厚遇之。漢三年，韓信已定魏地，遣張耳與信擊破趙井陘，斬陳餘於泜水上，追殺趙王歇於襄國。趙亡。按漢立張耳爲趙王，子敖尚高祖長女魯元公主。

齊

田儼，秋人，故齊王田氏族也。儼從弟田榮，榮弟田橫，皆豪宗。疆能得人，陳涉據楚，儼乃自立爲齊王。因挾魏王咎於臨濟，爲秦將章邯所殺。儼弟田榮

收其餘兵走東阿。齊人聞王儋死，復立故齊王弟田假爲齊王。田榮怒齊立假，引兵歸擊逐之。立田儋子市爲齊王。及項羽立諸侯王，怨田榮，乃徙田市更王膠東，治卽墨。齊將田都有德於羽，遂立以爲齊王，治臨淄。故齊王建孫田安以濟北數城降羽，因立爲濟北王，治博陽。唯田榮不得王。項羽旣歸，榮發兵擊田都，都亡走楚，追擊殺齊王市。還攻殺濟北王安，乃自立爲齊王。盡并三齊之地。項羽怒，北伐之。榮走平原，平原人殺榮。榮弟田橫收齊散兵，得數萬人，反擊敗羽，立榮子廣爲齊王。而橫相之。漢高使韓信與曹參共擊虜齊王。頃，田橫聞廣死，又自立爲齊王。與漢兵戰，不勝，亡走梁，歸彭越。後歲餘，漢王爲皇帝，田橫懼誅，與徒屬五百人入海島中。高祖使人召之，橫與二客乘傳詣維陽，未至三十里，橫自到。高祖以禮葬之，二客亦自到。海島中五百餘人聞之，亦俱自殺。齊亡。

燕

韓廣者，趙王武臣之將也。趙遣廣北徇燕地。燕之

豪傑立以為王。**趙**王歇與張耳陳餘略地至**燕**界。**趙**王間出為**燕**軍所獲。使者十餘輩往不得出。**趙**王廣為遼東王。未幾**燕**將臧荼弒遼東王廣。**燕**亡。

**魏**

**魏**豹者故**魏**諸公子。其兄咎故**魏**時封為寧陵君。**秦**滅**魏**。遷咎為家人。及陳涉稱王。咎往從之。陳王使周市略**魏**地。乃立咎為**魏**王。**秦**將章邯擊破**魏**軍。咎為其民約降。約定咎自燒殺。項羽破**秦**降章

邯。豹下**魏**二十餘城。復立豹為**魏**王。**漢**元年。項羽封諸侯。欲有梁地。乃徙豹於河東。都平陽。為**西魏**王。**漢**高祖定三**秦**。**魏**豹以國屬焉。遂從擊楚。旋又叛。**漢**使酈生說之。不服。乃遣韓信擊虜豹於河東。傳詣滎陽。以豹國為郡。令豹守滎陽。楚又圍之。其將周苛殺豹。**魏**亡。

**韓**

韓成者。故韓諸公子。舊封橫陽君。**秦**二世二年。項梁擊殺**楚**王景駒。張良說梁立**韓**諸公子。乃以成

傳終錄  
為韓王。以良為司徒。西略韓地。項梁敗死。定陶成  
犇楚懷王。漢王引兵擊陽城。使張良降韓。故地得  
故襄王孫韓信。以為韓將。將其兵。至項羽分諸侯  
王。以韓王成無功。不遣就國。更以為列侯。漢遣信  
略韓地。及為帝。遂剖符封信為韓王。王潁川。又詔  
徙王太原。以北備禦胡。復徙治馬邑。後與匈奴冒  
頓通信。降匈奴。漢十一年。使柴將軍擊之。斬韓王  
信。韓亡。

以上楚趙齊燕魏韓。雖非盡六國苗裔。皆借復

地。以誅暴秦為名。故分悉其始末。餘皆漢高祖  
功臣。不復記載。

漢紀

漢太祖高皇帝

姓劉。名邦。字季。沛豐邑中陽里人。父曰太公。母曰  
劉媪。媪息大澤之陂。夢與神遇。雷電晦冥。見蛟龍  
於其上。而產高祖。為人隆準。龍顏。豁達有大度。不  
事家人。生產常為泗上亭長。為縣送徒驪山。徒多  
道亡。乃解所送徒曰。公等悉去。吾亦從此逝矣。徒

中壯士願從者十餘人。陳涉起，父老殺沛令，立劉季爲沛公，與少年豪傑蕭、曹、樊、噲等收沛子弟二三千人，聞項梁在薛，往見之。梁益沛公兵，相與立楚懷王。項羽軍彭城西，沛公軍碭，引兵擊秦軍。懷王與諸將約，先入定關中者王之。當是時，秦兵強，諸將莫利先入關，獨項羽怨秦破項梁軍，願與沛公俱西。懷王不許，而獨遣沛公。沛公兵遂先諸侯至霸上，子嬰出降。沛公與秦民約法三章，秦民大喜，過望。項羽至，燒屠咸陽，盡改封諸侯，而立沛公

爲漢王。漢元年乙未，舉兵還定三秦。五年己亥，遂滅項羽而有天下，卽皇帝位於汜水之南，以火德王。朔仍建亥，都洛陽。齊人婁敬說上都長安，上卽日駕至西都，定元功位次，始剖符封諸功臣。蕭何第一，曹參次之，更大封同姓，命叔孫通制禮儀，與匈奴結和親，尊太公爲太上皇。天下初定，猜忌漸起，族誅功臣。淮陰侯韓信、梁王彭越而黥布、陳豨、盧綰、韓王信等，乃不自安，相繼謀反，皆一一討平之。初，呂后生子盈，立爲太子，後戚夫人有寵，生趙

王如意帝以爲類我。屢欲易太子。上定黥布歸。疾甚。易太子之謀益急。羣臣諫不聽。呂后從留侯張良計。招帝所不能致者四人來。東園公。綺里季。夏黃公。丹里先生。稱而太子始定。在位十二年。壽五十三歲。子盈嗣立。是爲孝惠皇帝。

**漢** 孝惠皇帝。

元年丁未。太后酖殺趙王如意。斷戚夫人手足。去眼。燻耳。飲瘖藥。使居廁中。命曰人彘。召帝視之。帝驚大哭。因病歲餘不能起。使人請太后曰。此非人

所爲。臣爲太后子。終不能治天下。因自廢。匈奴冒

頓音沒突遺太后書。辭極褻嫚。報書深自謙謝。匈奴

大慚。遂獻馬求和親。帝在位七年。壽二十四歲。太后取后宮美人子卽位爲少帝。

附紀呂后

后名雉。字娥姁。單父人。呂公之女。呂公善相。避難依沛令。於沛令坐中。見高祖狀貌。因重敬之。遂以長女妻焉。生孝惠帝。及魯元公主。軍中常相失。與帝父太公俱爲項羽軍所獲。高祖有天下。遂立爲

傳錄  
后。豁達有英畧。韓彭之死。后頗有力焉。惠帝崩。張  
良子辟疆謂陳平曰。吾觀太后。哭不悲。畏君等耳。  
宜拜諸呂爲將。以安其心。呂氏權由此日起。初。孝  
惠張皇后無子。呂后命取美人子。殺其母。以爲太  
子。是爲前少帝。呂后臨朝稱制。背高祖約。立呂氏  
三人爲王。大臣不敢爭。少帝以甲寅立。在位四年。  
呂后尋幽殺之。又立恒山王義爲帝。更名弘。是爲  
後少帝。諸呂擅權。朱虛侯劉章。忿劉氏不得職。借  
監酒。斬呂氏一人。劉氏稍強。八年。太后崩。壽六十。

二歲。劉章潛告兄齊王襄。舉兵討諸呂。呂產遣灌  
嬰擊齊。嬰屯滎陽。連齊以待變。會太尉周勃。丞相  
陳平。給呂產解兵。太尉得入北軍。軍中皆左袒劉  
氏。先誅呂產。遣人分部。悉捕諸呂。無男女少長。皆  
誅之。少帝亦遇害。大臣迎立高帝中子代王恒。是  
爲孝文皇帝。

愚按高后取後宮美人子爲太子。又封餘四子爲  
王。史稱其爲他人子者。誣也。漢法甚嚴。豈容異姓  
入宮。卽入宮。又豈容五子之多也。况明條之曰。後



傳錄  
宮美人則但非惠后子耳。何遂非惠帝子耶。他日少帝自知非皇后子。曰。后安能殺吾母而名我。我壯。卽爲變。藉非真劉氏種。卽戇騃。亦不敢有此語矣。呂氏旣誅。大臣將迎代藩。非殺少帝不可。非併殺淮陽恒山王不可。然不重加以非惠帝子之名。則又安可盡殺也。其中委曲。本出大臣陰謀。文帝自代來。當亦不暇致問。及此。識者其可無辨。

漢太宗孝文皇帝

元年壬戌。漢興。掃除秦法。與民休息。帝立。益以恭

儉寬仁。每朝郎官上書疏。未嘗不止輦受其言。務以德化民。幾致刑措。除肉刑。及誹謗妖言諸法。開籍田。重農桑。南越王趙佗。乘黃屋左纛。稱制與天子侔。帝使陸賈往南越。并賜佗書。佗遂稱臣奉貢。初誅諸呂。朱虛侯章功尤大。大臣許以趙地王章。以梁地王興居。帝聞其初欲立齊王。故絀其功。割齊二郡以王之。濟北王興居。怏怏失職。發兵反。帝遣柴武討平之。淮南王長驕恣反。遷蜀死。在位二十三年。以十七年爲後元年。遺詔薄葬。令到出臨

傳錄金  
三日皆釋服太子啓立是爲孝景皇帝

漢孝景皇帝

元年乙酉文帝屢詔免民田租至是復令民半租三十而稅一行減笞法初帝爲太子鼂錯官太子家令號曰智囊及卽位錯用事請削諸王封地先是吳王濞於文帝時不朝賜几杖以安之錯曰吳誘天下亡人謀作亂削之反不削亦反削之反速禍小不削反遲禍大時已削楚趙膠西郡縣且及吳吳遂合菑川膠東濟南七國反以誅錯爲名袁

盎素不善錯勸上斬錯赦七國上嘿然良久曰吾不愛一人以謝天下遂斬錯於東市拜周亞夫爲太尉將兵擊七國亞夫請以梁委吳絕其餉道吳楚兵饑甚乃引去亞夫追擊大破之吳王走保東越東越殺之楚趙膠西王自殺膠東濟南菑川王伏誅廢后薄氏立王氏爲后廢太子榮爲臨江王立膠東王徹爲太子在位十六年以八年爲中元年以十四年爲後元年壽四十八歲太子徹立是爲孝武皇帝

漢孝武皇帝

元年辛丑始立年號建元六年元光六年元朔六年元狩

六年元鼎六年元封六年太初四年天漢四年太始四年征和四年

後元二年凡在位五十四年帝承文景富庶好大喜

功因王恢之言欲誘致匈奴伏兵襲擊會謀泄單

于引去而和好遂絕衛青霍去病等相繼擊之深

入數千里斬首虜獲甚眾封狼居胥山自是匈奴

遠遁幕南無王庭矣南越平以其地為郡遂通西

南夷遣張騫求名馬於大宛諸國初上好儒術招

選文學材智之士而性最嚴峻羣臣有過即按誅

宰相封侯自帝始公孫弘封平津侯然以法夷滅不肯少

貸前此待大臣者所未有也主父偃請諸侯得推

恩分王子弟上以德施而實分其國此不削自弱

之道從之上好方士言神仙丹砂者不可勝算李

少翁封文成將軍樂大封五利將軍事敗往往誅

死置鹽鐵官立平準法封禪泰山造太初歷以正

月為歲首色尚黃數用五定官名協音律制作紛

然而行夏之時百世不易矣先是陳皇后廢衛子

傳錄金  
夫立爲后。生太子。據太子敦重好靜。常諫征伐。四夷帝笑曰。吾當其勞。以逸遺汝。不亦可乎。是時天下方士及諸神巫。多聚京師。變幻無所不爲。女巫往來宮中。教宮人度厄。輒埋木人祭祀之。江克故與衛氏有隙。恐後爲太子所誅。因上疾。克言祟在巫蠱。上使克治巫蠱獄。太子宮得木人尤多。帝在甘泉。太子將往謝罪。而江克持之急。太子從少傅石德計。發兵收捕克等。自臨斬之。后遂自殺。太子度不得脫。亦自經死。高寢郎田千秋訟太子寃。上

悟。族克家。作思子宮。爲歸來望思之臺於湖。乃下詔深陳既往之咎。曰。朕卽位以來。所爲狂悖。不可追悔。今事有傷害百姓。及糜費天下者。罷之。田千秋請罷候神。上歎曰。嚮時爲方士所欺。天下豈有仙人。盡妖妄耳。後元元年。鈞弋夫人生子弗陵。年七歲。上奇愛之。心欲立焉。察羣臣唯奉車都尉霍光可任大事。乃畫周公負扆圖以賜光。而譴責鈞弋夫人至死。左右問其故。帝曰。往古國家之亂。由主少母壯也。汝不聞呂后耶。上疾篤。詔光立少子。

行周公之事。光頓首讓曰：臣不如金日磾。音密日磾亦曰：臣外國人，不如光。乃同太僕上官桀並受遺詔。壽七十一歲崩。子弗陵立，是為孝昭皇帝。

漢孝昭皇帝

乙未改元始元。六年元鳳。六年元平。一年共在位十三年。

武帝之末，海內虛耗，戶口減半。霍光知時務之要，輕徭薄賦，天下想望其風采。燕王旦謀反，詔以至親勿治。有男子乘黃犢車，詣北闕自稱衛太子。京兆尹雋不疑，叱從吏收縛，驗治，竟得誣罔，腰斬。上

官桀謀以五歲女孫為帝后，光以幼拒之。桀怨光，別與蓋長公主議，竟召入宮，候光出沐，詐為燕王旦上書，誣光罪。詔光入，光免冠謝。上曰：將軍冠。朕知是書詐也。將軍調校尉未十日。燕王何以得知之？時帝年十四，尚書左右皆驚，而上書者果亡。桀尋以謀反族誅。蓋主燕王皆自殺。帝壽二十二歲崩，無嗣。光迎立昌邑王賀，賀狂縱無度，田延年勸光更選賢明，遂與張安世定計，會羣臣，白太后廢賀。光手解其璽綬，送昌邑邸，而更迎故太子據之。

傳錄金  
孫病已卽位。是爲孝宣皇帝。

漢中宗孝宣皇帝。

初衛太子之子史皇孫納王夫人生子病已。號皇曾孫。數月遭巫蠱事。太子妻妾男女皆遇害。皇曾孫亦繫獄。丙吉受詔治獄。擇女徒乳養之。望氣者言長安獄中有天子氣。武帝遣使治繫。無輕重皆殺之。及病已吉閉門不納。曰他人無辜死猶不可。况親曾孫乎。帝寤赦之。昌邑王廢。霍光議所立未定。吉奏記光稱病已通經術有美材。遂白太后迎。

皇曾孫卽位。更名詢。戊申改元本始。四年地節。四年元

康。四年神爵。四年五鳳。四年甘露。四年黃龍。一年凡在位二十

五年。大將軍光稽首歸政。上謙讓不受。諸事皆先

關白光。霍夫人顯欲貴其少女。會譏皇后娠。使女

醫淳于衍投毒弑后。地節二年。霍光薨。上頗聞毒

后事而未發。四年。霍顯及霍禹霍山等日見侵削。

遂陰謀廢立。事泄。族誅。皇后霍氏亦廢。帝信賞必

罰。吏治民安。匈奴單于來朝。羌夷相率降附。稱漢

室中興焉。圖畫功臣於麒麟閣。法其形貌。署其官

爵姓名凡十一人。霍光張安世韓增趙充國魏相丙吉杜延年劉德梁丘賀蕭望

之蘇壽四十二歲崩。子奭即位。是為孝元皇帝。

漢孝元皇帝

癸酉改元初元。年五立僖仔王氏為皇后。后王賀孫

女也。又改永光。年五建昭。年五竟寧。年一在位十六年。帝

牽制文義優柔不斷。史高以外戚領尚書事。弘恭

石顯以宦者典樞機。誣蕭望之等為朋黨。前業衰

矣。陳湯斬郅支單于。呼韓邪單于請為漢婿。帝以

良家子王嬙賜之。壽四十三歲崩。太子驚立。是為

孝成皇帝

漢孝成皇帝

帝初即位。以元舅王鳳為大司馬大將軍領尚書

事。封王崇為安成侯。封王譚王商王立王根王逢

時悉為列侯。已丑改元建始。年四河平。年四陽朔。年四鴻

嘉。年四永始。年四元延。年四綏和。年二在位二十六年。宗室

劉向以王氏權位太盛。為洪範五行傳論奏之。上

心知向忠。終不能奪王氏權。王曼子莽見五侯子

乘時侈靡。偽折節為恭儉。外交英俊。內曲事諸父。

傳紀錄  
鳳死。以莽爲大司馬。帝悅。趙飛燕廢。許后而立焉。後宮生子。趙后盡殺之。壽四十五歲。無嗣。以弟之子定陶王欣爲太子。卽位。是爲孝哀皇帝。

漢孝哀皇帝

乙卯改元建平

年四

元壽

年二

在位六年。帝欲收攬威

柄。初卽位。罷大司馬莽。就第。屢誅大臣。以效武宣。朕內受制於傅太后。外則過任佞臣董賢。大司馬詔冊。至有允執其中之語。漢業由是不競。壽二十五歲崩。無子。太皇太后召莽。莽收賢印綬。卽日自

殺莽。仍爲大司馬。領尚書事。迎中山王箕之子衍爲嗣。元帝庶孫也。是爲孝平皇帝。

漢孝平皇帝

辛酉改元元始

年五

帝年九歲。太皇太后臨朝。莽秉

政。風塞外蠻夷稱越裳氏。重譯獻白雉。羣臣孔光馬宮等。盛陳莽功德。比周公。賜號安漢公。五年。策命莽九錫。因臘日。上椒酒毒帝。帝崩。先是謝囂奏武功長孟通浚井得白石。上圓下方。有丹書石文曰。安漢公莽爲皇帝。符命之起自此始。於是羣臣



傳錄金  
奏請安漢公踐阼。謂之攝皇帝。詔曰可。莽利宣帝  
玄孫廣威侯勳之子幼。迎而立之。是為孺子嬰。

漢孺子嬰

丙寅改元居攝年三莽自稱假皇帝。安衆侯劉崇、東

郡太守翟義起兵討莽。不克。莽遂即真。廢孺子為

安定公。

附新莽

莽字巨君。漢孝元皇后之姪。王曼之子也。時王氏  
以外戚汰侈。世執國柄。莽獨匿情求名。繼四父而

起。被服如儒生。朝論翕狀歸之。上書頌功德者以

千數。三輔兵破滅。翟義起兵討莽。三輔豪傑應之。吏士反攻破義。莽自謂

獲天人之助。戊辰十一月。以居攝三年為初始元

年。即天子位。初封新都侯。遂定有天下之號曰新

更號漢太皇太后曰新室文母。己巳改元始建國

年五天鳳年六地皇年四并居攝共十八年。莽承漢業百

蠻賓服。天下晏然。一朝而有之。其意未滿。狹小漢

家制度。伐匈奴。置王田。改官制。不度時宜。性多躁

擾。天下警警。陷刑者衆。於是並起為盜賊矣。荊州

傳錄  
新市人王匡王鳳南陽馬武潁川王常成丹各聚  
藏於綠林山中至七八千人琅琊樊崇南郡秦豐  
各聚眾數萬崇等朱其眉以相識別號曰赤眉新  
市平林兵奉宗室劉玄為主劉縯劉秀等亦起兵  
舂陵大破莽兵於昆陽莽憂懣不能食但飲酒啗  
鰓音魚讀軍書倦因憑几寐不復就枕聞漢兵皆  
言莽鴆殺平帝乃會公卿開所為平帝請命金滕  
之策泣示羣臣而膽日喪勢日孤矣地皇四年三  
輔義兵咸起應漢四會城下九月戊申兵從宣平

門入火及掖庭承明莽避火宣室旋席隨斗柄而  
坐庚戌旦明羣臣扶莽之漸臺眾兵上臺斬莽首  
分莽身傳首詣宛音鴛南陽縣名懸於市百姓共提擊之  
或切食其舌

附漢淮陽王

名玄舂陵戴侯之曾孫也莽末諸將起兵欲立劉  
氏以從人望憚劉縯威明貪劉玄懦弱遂定策立  
以為帝癸未改元更始即莽地皇四年也在位二  
年降於赤眉光武帝即位詔封為淮陽王張邛等

使謝祿縊殺之。劉恭夜往收其屍，詔葬之於霸陵。  
赤眉

劉盆子，故式侯萌之子，年十五，在軍中主牧羊。赤眉樊崇等以名爲羣賊，不可以久，乃立盆子爲上將軍，尋稱帝，改元建世。兄劉恭知其必敗，密教盆子解璽綬，因大會，下牀叩頭曰：「今設置縣官，而爲賊如故，此皆立非其人所致，必欲殺盆子，無所逃死。」崇等避席頓首曰：「請後不敢。」三輔翕狀稱天子，神明後二十餘日，復出大掠。盆子終不能制。建武

三年，赤眉走宜陽，帝親勒六軍待之。盆子乃遣劉恭乞降，上所得傳國璽綬，光武憐之，以爲趙王郎中，待以不死。

卜者王郎

王莽時，長安中有自稱成帝子子輿者，莽殺之。邯鄲卜者王郎，乃詐稱真子輿，百姓多信之，立即爲天子。趙國以北，遼東以西，皆望風響應。獨信都太守任光和、戎太守邳彤不從。會光武起兵，率大將寇恂、吳漢等進拔邯鄲，郎走，王霸追斬之。

傳錄  
蜀公孫述

公孫述字子陽茂陵人莽末起兵據成都自稱輔  
漢將軍兼益州牧尋稱蜀帝改元龍興遣兵屯陵  
倉是時隗囂降漢助光武將馮異擊破之述遣使  
招囂囂斬其使出兵擊之故蜀兵不復北出光武  
曾與述書稱公孫皇帝隗囂叛述遣兵救之於是  
互爲結援刺殺漢將來歙復刺殺岑彭建武十二  
年丙申光武率吳漢劉尚等進攻成都戰八克述  
兵大亂偏將高午奔陣刺述洞胸墮馬而死明日

其臣延岑以城降蜀地悉平。

隗囂

隗囂成紀人莽末與周宗等起兵以應漢移檄郡  
國勒兵十萬攻隴西武都皆下後更始徵囂囂至  
長安尋逃歸天水復招聚其衆自稱西州上將軍  
三輔士大夫避亂者多歸之以馬援班彪爲賓客  
由此名震西州聞於山東建武四年囂奉表詣闕  
帝報以殊禮遣子內侍後又惑都將王元之言稱  
臣於公孫述發兵反遣將高峻擁兵據高平第一

傳錄  
縣改元漢復八年帝命中郎將來歙伐之尋自征  
囂竇融率河西五郡及羌虜小月氏等與大軍會  
隗囂困極疾且餓恚憤而卒諸將立其少子純十  
年漢攻破落門隗純降隴右悉平。

○以上淮陽王劉玄赤眉劉盆子卜者王郎蜀公  
孫述隴右隗囂皆與光武同時起兵以誅新莽  
爲名因具詳之又梁王劉永據東方稱帝立張  
步爲齊王董憲爲海西王涿郡太守張豐與叛  
將彭寵連兵反而銅馬鐵脛尤來大槍上江青

犢富平獲索五幡以兵容強盛爲號悉屬草竊  
不復備記。

### 東漢紀

#### 漢世祖光武皇帝

姓劉氏名秀字文叔長沙定王之後景帝六世孫  
南頓令欽之子帝生於南頓有嘉禾一莖九穗之  
瑞故名秀王莽改貨曰泉貨人以其字爲白水真  
人帝竟從白水起與兄續事更始徇昆陽莽遣將  
王邑王尋縱兵百萬圍昆陽秀自將步騎千餘爲

傳錄  
前鋒合戰，斬首數千級。諸部乘銳奔之，膽氣益壯。無不一可當百，遂殺王尋，莽兵大潰。於是豪傑響應，皆爭殺牧守。用漢年號，以待詔命。續兄弟威名日盛，諸將勸更始誅續。秀自父城馳詣宛謝，官屬迎弔。秀不交私語，未嘗伐昆陽之功，又不敢爲續服喪，惟深引過而已。尋拜破虜大將軍，封武信侯。又遷大司馬，立爲蕭王，令罷兵還長安。蕭王辭以河北未平，不就徵。始貳於更始，是時諸賊銅馬、鐵脛等，各領部曲，衆數百萬人。蕭王悉破降之，以降

人分隸諸將。故關西又號爲銅馬帝。王郎起趙地，亦破滅之。更始二年乙酉，諸將請上尊號，王不許。會儒生疆華自關中奉赤伏符詣王，羣臣因復申請，遂卽皇帝位於鄗南，改元建武。三年中元二年，凡在位三十三年。都洛陽。更始降於赤眉，帝要擊赤眉，赤眉降。劉永、張步、董憲相繼悉平。建武八年，帝自將征隗囂，囂衆大潰。九年，囂死。十年，隗純降。十一年，吳漢、岑彭等伐蜀。十二年，公孫述被創死。帝弘廓大度，推心置腹，故能芟刈羣雄，光復舊物。中

傳錄  
興之烈卓乎不可及矣。又破交趾。諸國遣子入侍。帝悉厚賜還之。郭后廢。太子疆意不自安。願備藩國。乃立陰后。東海王陽為太子。壽六十二歲崩。太子嗣位。改名莊。是為孝明皇帝。

漢顯宗孝明皇帝

戊午改元永平。先是光武之末。因赤伏符之異。按索河雒讖文。行封禪禮。起靈臺。明堂辟雍。宣布圖讖於天下。帝初即位。宗祀光武於明堂。登靈臺。望雲物。臨辟雍。養老。引桓榮及弟子升堂。上自為辯。

說冠帶之人。園橋門而聽者。以億萬計。帝崇尚儒學。自皇太子諸王。及大臣功臣子弟。外戚四姓小侯。莫不受經。期門羽林之士。悉令通孝經章句。匈奴亦遣子入學。法令分明。幽枉必達。永平之政。於

東都稱首。思光武中興功臣。圖畫二十八將於南

宮雲臺。

鄧禹。馬成。吳漢。王梁。賈復。陳俊。耿弇。杜茂。寇恂。傅俊。岑彭。堅鐔。馮異。王霸。朱佑。任光。

祭遵。李忠。景丹。萬脩。蓋延。邳彤。姚期。劉植。耿純。臧宮。馬武。劉隆。

又益以四人。

王常。李通。

竇融。

唯馬援以椒房之親。獨不與焉。馬后亦深自

謙肅。好讀書。常衣大練。裙不加緣。稱古來賢后。假

傳錄  
司馬班超節。到鄯善。斬匈奴使者。定西域。遠夷自汶山以西。前世正朔所不加。白狼槃木等百餘國。皆稱臣奉貢。而天竺佛法。亦於是時始入中國矣。在位十八年。壽四十八歲。子烜嗣立。是爲孝章皇帝。

漢 肅宗 孝章皇帝

丙子改元建初。年八元和。年三章和。年二凡在位十三年。時承永平故事。吏治尚嚴切。帝頗厭之。每事務從寬厚。而尊寵竇憲。外戚之權由此起。壽三十一歲。

子肇嗣立。是爲孝和皇帝。

漢 孝和皇帝

巳丑改元永元。年十六元興。年一帝卽位。年甫十歲。竇

太后臨朝。竇憲兄弟皆在親要之地。都鄉侯劉暢。來弔國憂。太后數召見之。憲懼暢分宮省之權。遣客刺殺暢。案舉得實。憲懼誅。求擊匈奴以贖死。太后許之。大破匈奴。勒銘燕然山。紀漢威德。出塞五千餘里。憲旣立大功。驕縱益甚。帝與中常侍鄭衆定議。迫令自殺。竇氏賓客俱收捕死。策勛班賞。宦



傳錄  
官秉權自衆始焉。初帝爲梁貴人所生。竇后譖而廢之。養帝爲己子。至竇太后崩。梁氏訟寃。帝感慟良久。乃追尊生母爲太后。封梁竦三子爲侯。而終不追罪竇氏。在位十七年。壽二十七歲。子隆立。是爲殤帝。

漢孝殤皇帝

和帝少子。隱養民間。生僅百餘日。鄧太后立之。丙午改元。延平。八月崩。迎清河王慶之子佑卽位。是爲孝安皇帝。

漢孝安皇帝

丁未改元。永初。七年元初。六年永寧。一年建元。一年延光。四年

鄧太后猶自臨朝。每聞民饑。達旦不寐。躬自減膳。教諸王近戚子弟。親爲監試。百務調整。故天下復治。延光元年。太后崩。帝始親政。信乳母王聖等讒。鄧氏五侯皆廢。遣大將軍騭。罷侯就國。騭自殺。閹皇后兄弟。並典禁兵。宦官江京李閔等。皆封列侯。扇動內外。傳通姦賄。廢太子保爲濟陰王。在位十九年。壽三十二歲。崩。閹后欲專國政。貪立幼主。迎

傳錄金  
濟北惠王子北鄉侯懿為嗣。未幾，北鄉侯薨。中常侍孫程、王康等十九人聚謀，迎故太子濟陰王即位。是為孝順皇帝。

漢孝順皇帝

丙寅改元永建

六年

陽嘉

四年

永和

六年

漢安

二年

建康

一年

凡在位十九年。帝即位之初，天下想望其風采。黃瓊、李固之徒相繼登用，東京之士於茲盛矣。然以誅閹顯，遷太后，論翊戴功，孫程等十九人皆封侯。而立后梁氏，梁商、梁冀弄權柄用，閹寺又從而煽惑焉。雖有善人不能濟也。壽三十歲崩。太子炳嗣立。是為孝冲皇帝。

漢孝冲皇帝

乙酉改元永嘉。正月帝崩。梁太后徵章帝玄孫渤海

孝王子續即位。是為孝質皇帝。

漢孝質皇帝

丙戌改元本初。太后委政宰輔。李固言無不從。天下願望治平。帝年九歲，姿性聰穎，常因朝會，目梁冀曰：「此跋扈將軍也。」冀聞深惡之，使左右置毒於

傳錄金  
煑餅以進。帝煩苦甚。召李固曰。食餅腹悶。得水尚可活。冀曰。恐吐不可飲水。語未絕而崩。在位一年。壽九歲。李固杜喬等皆欲立清河王蒜。冀聽中常侍曹騰計。策免固。迎蠡吾侯志即位。是為孝桓皇帝。

漢孝桓皇帝

帝章帝曾孫。年十五。梁冀定策立之。丁亥改元建

和

三年

和平

一年

元嘉

二年

永興

二年

永壽

三年

延熹

九年

永康

一年。凡在位二十一年。時梁冀勢橫。一門前後七侯。

三皇后。六貴人。三大將軍。尚公主三人。卿將尹校

五十七人。凶恣日積。帝與中常侍單超等定議。圍

冀第。收冀印綬。冀自殺。梁氏無少長皆棄市。遂封

超等。世謂之五侯。冀既誅。權勢皆歸宦官。傾動中

外。災異迭見。而黨事又起。初帝為蠡吾侯。受學於

甘陵周福。及即位。擢福為尚書。福同郡河南尹房

植。有名當朝。二家賓客。互相譏揣。漸成仇隙。太學

諸生三萬餘人。郭泰賈彪為其冠。與李膺陳蕃王

暘等。更相褒重。中外承風。宦官惡之。告膺等共為

部黨誹謗朝廷。上怒，逮捕黨人所株連，皆天下名賢。時莫敢爲言者。賈彪曰：「吾不西行，大禍不解。」乃說城門校尉竇武、尚書霍諝，使訟之。上意稍解。帝崩，無嗣。竇太后臨朝。城門校尉竇武定策禁中，迎河間孝王曾孫宏立之。時年十二，是爲孝靈皇帝。

漢孝靈皇帝

帝章帝玄孫，解讀亭侯萇之子。竇太后立之。戊申

改元建寧

四年

熹平

六年

光和

六年

中平

六年

凡在位二十

四年。初，以竇武、陳蕃、叅錄尚書事。武與蕃同心戮

力，徵天下名賢。李膺、杜密等皆列於朝廷。中常侍曹節、王甫害之。會日食，武白太后誅曹節等。太后猶豫，節勸尚書作詔板，拜王甫爲黃門令，持節捕武。武不受詔。陳蕃聞難，將官屬諸生突入尚書門，攘臂大呼，辨竇氏冤，并執蕃送北寺獄殺之。矯制使張奐率五營士討武，殺之。諸名賢俱廢錮。逮捕鈞黨無虛日。每下詔書，輒申黨人之禁。上年十四，問節曰：「黨人何用爲惡而欲誅之耶？」對曰：「欲爲不軌。」上曰：「不軌如何？」對曰：「欲圖社稷。」上乃可其奏。上

常歎桓帝不能作家。曾無私錢。乃開西邸。賣官入錢。各有差。又於後園作萬金堂。發司農金帛以實之。**光和**二年。司隸楊球。京兆尹楊彪。奏宦官罪惡。甫節俱伏誅。黃巾賊起。乃赦天下黨人。還諸徙者。惟張角不赦。角。鉅鹿人。奉事黃老。以妖術教授。分遣弟子周遊四方。徒眾至數十萬。以中常侍封諤徐奉等為內應。着黃巾為識。壽三十四歲崩。太子辯立。何太后臨朝。中軍校尉袁紹。因勸太后兄大將軍何進。悉誅諸宦官。太后不聽。紹欲勒四方之兵脅太后。兵未至。進為中常侍張讓等矯制所殺。袁紹乃

引兵捕諸宦者。無少長皆殺之。讓等追遂將帝。與陳留王協出穀門。讓等自投河死。董卓將兵至。迎帝於北芒阪下。尋廢帝為弘農王。弒何太后。帝立。甫一百八十日。改元**光熹**。又改**昭寧**。皆在靈帝中平六年也。立陳留王協即位。是為孝獻皇帝。

漢孝獻皇帝

帝。靈帝中子。初立時。改元**永漢**。四月亦在**中平**六年。

庚午改**初平**。四年**興平**。二年**建安**。五年共在位三十二

年。關東州郡起兵討卓。推河北袁紹為盟主。紹屯

河內曹操屯酸棗袁術屯魯陽衆各數萬卓劫車  
駕遷都長安燒洛陽宮廟發諸帝陵長沙太守孫  
堅起兵至洛陽破卓修復諸陵而還初平三年司  
徒王允定計誅卓百姓鼓舞於道卓素充肥守吏  
爲大炷置臍中爇之光明達曙允性剛稜卓旣殲  
滅自謂無復患難頗自驕傲卓部曲李傕郭汜等  
求救不得乃舉兵入長安收允及黃琬殺之傕等  
共秉朝政興平二年傕汜自相攻擊七月帝出幸  
霜陵十月楊奉董承等奉帝幸華陰十二月幸弘

農傕等來追奉等僅以身免建安元年六月帝幸  
洛陽是時宮室燒盡百官披荆棘依牆壁間曹操  
在許謀迎天子乃將兵詣洛陽奉駕東遷自爲大  
將軍封武平侯五年董承等謀誅曹操事泄見殺  
七年袁紹死十三年曹操爲丞相十七年孫權徙  
治秣陵更名建業十八年操自立爲魏公十九年  
劉備圍成都劉璋降操弑皇后伏氏及皇子二人  
初后與父完書令密圖操事泄操使郝慮收皇后  
璽綬尚書令華歆勒兵入宮收后后藏壁中歆壞

戶發壁。牽后出。后被髮徒跣。過帝前殿。泣曰。不能復相活耶。帝曰。我亦不知命在何時。二十年。立操女爲皇后。二十一年。操進爵爲魏王。二十四年。劉備襲殺操將夏侯淵。遂有漢中。孫權取荊州。遣使稱臣於操。侍中陳羣等勸操正大位。操曰。若天命在吾。吾爲周文王矣。二十五年。操卒。太子丕卽王位。十一月。帝禪位於丕。魏秦帝爲山陽公。青龍二年。三月。山陽公薨。壽五十四歲。

傳統錄卷之二終

